



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Vt episcopi criminati liberè apostolicam appellent sedem, & pleraque alia  
circa iudicium obseruanda. cxliiii.

**urn:nbn:de:hbz:466:1-10722**

*De eadem re. Cap. CXLII.*

**N**ullus enim episcoporum, dum suis fuerit rebus ex-  
 poliat, aut à sedē propria qualibet occasione pul-  
 sus, debet accusari: aut à quoquam ei potest crimen obji-  
 ci, priusquam integerrimè restauretur, & omnia, quæ ei  
 ablata quocunque sunt ingenio, legibus redintegrentur:  
 & ipse propriæ sedis & pristino statui regulariter redda-  
 tur: ita, ut omnes possessiones, & cuncta sibi iniuste subla-  
 ta, atque fructus omnes, ante conceptam accusationem,  
 primates & synodus episcopo, de quo agitur, funditus re-  
 stituant. Quia hoc non solū ecclesiasticæ, sed etiam secu-  
 li leges fieri prohibent: neque aliquis eorum, aut eccle-  
 siarum autorum, vel defensorum ad aliquos prius accusa-  
 ri debet, quàm ipse charitatiuè, bis aut ter ab eis, qui se-  
 lasos æstimant, vel eos pro aliquibus erratibus corripere  
 cupiunt, conueniatur: ut ab eis aut familiarem emen-  
 dationem, aut iustam percipiat excusationem. Quod  
 qui præsumpserit, liminibus arceatur Ecclesiæ, vsque ad  
 condignam satisfactionem.

*Ex decre.  
 Stepha.  
 papæ om-  
 nibus epi-  
 scopis mis-  
 sis, cap. 6.*

*De eadem re. Cap. CXLIII.*

**H**is taliter consideratis, atque cum reliquorum episco-  
 porum decretis, tanquam omnium curam gerentes,  
 propter sedis propriæ apicem decernimus, ut nemo pon-  
 tificum aliquem suis rebus expoliatū episcopum, aut à se-  
 de pulsum, excommunicare aut iudicare præsumat: quia  
 non est priuilegium quo expoliari possit iam nudatus. Si  
 quis autem aliter agere præsumpserit, sciat censuram hu-  
 ius sedis cum omnibus mēbris suis sibi nō defuturā, & si-  
 cut egerit, ita recipiet. Si bene, bñ. Si graue, graue. Si pes-  
 simè, pessimè. Quoniā dignus est operarius mercede sua.

*Ex decre.  
 Sixti pa-  
 pæ Hispa-  
 niæ episco-  
 pis mis-  
 sis, cap. 6.*

*Ut episcopi criminati liberè apostolicam appellent  
 sedem, & pleraque alia circa iudicium  
 obseruanda. Cap. CXLIII.*

**U**t omnes episcopi qui in quibusdā grauioribus pul-  
 santur, vel criminantur causis, quoties necesse fuerit,  
 liberè apostolicā appellent sedē, atque ad eam quasi ad ma-  
 trē confugiāt, ut ab ea, sicut semper fuit, piè fulciātur, de-  
 fendantur, & liberentur. Cuius dispositioni, omnes maio-  
 res ecclesiasticas causas, & episcoporum iudicia, antiqua a-  
 postolorum eorumque successorū atque canonum autoritas

*Ex decre.  
 Iulij pa-  
 pæ Oriē-  
 talib. epi-  
 scopis mis-  
 sis, ca. 18.*

referuauit. Quoniã culpatur episcopi, quia aliter erga fra-  
 tres egerint, quã eiusdẽ sedis papæ fieri placuerit: placuit  
 vt accusatus vel iudicatus à comprouincialibus in aliqua  
 causa episcopus licetẽr appellet, & adeat apostolicæ sedis  
 pontificẽ, qui aut per se, aut per vicarios suos, eius retra-  
 ctari negociũ procuret. Et dũ iterato iudicio põtifex cau-  
 sam suã agit, nullus alius in eius loco subrogetur, ponat-  
 ur, aut ordinetur episcopus. Quoniã quanquã cõprouin-  
 cialib⁹ episcopis accusati causam põtificis scrutari liceat,  
 nõ tamen definiri incõsulto Romano põtifice permissum  
 est: cum beato Petro apostolo, nõ ab alio quã ab ipso di-  
 ctum sit domino: Quæcũq; ligaueris super terrã, erunt li-  
 gata & in cœlis: & quæcunq; solueris super terram, erunt  
 soluta & in cœlis. Si quis putauerit se à proprio metropo-  
 litano grauari, apud primatẽ diœceseos, aut penes aposto-  
 licæ vniuersalis Ecclesiæ papam iudicetur. Accusatores &  
 accusationes quas leges seculi nõ affiscunt, & nos vnani-  
 miter submouemus, ne fiat indistricta probatione impie-  
 tas, cũ recta sit iudicij in electione sententia. Si quis erga  
 episcopum vel actores Ecclesiæ se propriũ crediderit ha-  
 bere negocium, non prius adeat iudices, quã ad eos re-  
 currat charitatis studio: vt familiari colloquio comuni-  
 ti, ea sanare debeant, quæ in querimoniam deducuntur.  
 Quod si aliter egerit, communionẽ priuetur. Nemo pon-  
 tificũ deinceps aliquẽ episcopũ suis expoliatũ rebus, aut  
 à sede pulsum, excõmunicare aut iudicare præsumat: quia  
 nõ est priuilegium, quo spoliari possit iam nudatus. Pari  
 tenore decernimus non credi accusatori, qui absente ad-  
 uersario causam suggererit, ante vtriusq; partis discussio-  
 nem: nec accusatores nec testes suscipi, qui non sunt ido-  
 nei. Placuit si accusatus vel damnatus episcopus appella-  
 uerit Romanum pontificem, id statuendum, quod ipse ius-  
 tẽ censuerit. Et omnes qui aduersus patres armantur, in-  
 fames esse censemus: neque eos qui cum inimicis morantur,  
 ad accusationem vel ad testimoniũ recipiendos. Placuit  
 vt semper in accusatione clericorum primò persona,  
 fides, vita, & conuersatio blasphemantium perscrutetur.  
 Nam fides omnes actus hominis præcedere debet: quia  
 dubius in fide, infidelis est. Nec eis omnino esse creden-  
 dum, qui veritatis fidem ignorant, nec rectæ conuersa-

tionis vitam ducunt : quoniam tales facilè & indifferen-  
ter lacerant, & criminantur rectè & piè viuentes. Ideo  
suspicio erum discutienda est primò & corrigenda. Ne-  
que accusatoribus suspectis, vel de inimicorum domibus  
prodeuntibus credendum.

*Episcopus si ab aliquo pulsatur, per episcopos iudices  
causa finatur. Cap. CXLV.*

**S**I quis episcopus à quoquam impetitur, vel ille aliquam *Ex cõcil.*  
quæstionem retulerit, per episcopos iudices causa fi- *Spalensi,*  
niatur: siue quos eis primates dederint, siue quos ipsi vi- *cap. 8.*  
cinos ex consensu elegerint.

*De episcopis iudicibus quos communis consensus  
elegerit. Cap. CXLVI.*

**I**udices autem episcopos, quos communis consensus *Ex eodẽ*  
elegerit, non liceat quemquã prouocare : & quisquis *cõc. ca. 9.*  
probatu fuerit pro cõtumacia nolle obtemperare iudici-  
bus. cũ hoc primæ sedis episcopo fuerit probatũ, det lite-  
ras, vt nullus ei cõmunicet episcoporũ, donec obtèperet.

*Vt episcopi comprounciales peregrina iudicia non  
patiantur. Cap. CXLVII.*

**P**eregrina verò iudicia, salua in omnibus apostolica *Ex decre.*  
auctoritate, generali sanctione prohibemus. Quia in- *Fabiani*  
dignum est vt ab exteris iudicetur, qui prouinciales & à *pape Hi-*  
se electos debet habere iudices, nisi fuerit appellatũ. Vn- *lario epi-*  
de oportet, si aliquis episcoporum super certis accusetur *scopomif-*  
criminibus, vt ab omnibus audiatur qui sunt in prouincia *sis, ca. 26.*  
episcopis : quia non oportet accusatum alicubi quàm in  
foro suo audiri.

*De episcopo criminato, si iudicem suspectum ha-  
buerit. Cap. CXLVIII.*

**S**I quis verò episcopus iudicem suspectum habuerit, *Ex decre.*  
& viderit se ingrauari, liberè sedem apostolicam ap- *eiusdẽ ad*  
pellet. Appellantem autem non habeat afflictio vlla, aut *eundẽ epi-*  
detentionis iniuriôsæ custodia, sed liceat appellatori cõ- *scopũ mis-*  
uiciantum causam appellationis remedio subleuare: licet *sis, ca. 27*  
etiam in causis criminalibus appellare, nec appellãdi vox  
denegetur ei, quem in supplicium sententia destinarat.

*Si quis episcopus in crimine detentus fuerit, & non po-  
test plurimos congregare, à XII. episcopis  
audiatur. Cap. CXLIX.*